

四庫全書

史部

欽定四庫全書

大金集禮卷二十一

原廟下

朝拜

朝拜

太祖忌辰親祠儀禮

大定五年十月宣徽宗院申已行禮數十一年同十九年奉勅旨三廟行禮不同往日只奠一盞酒冷淡又奉

勅旨忌辰奠酒用樂不是只奠茶太子大王不須奠只
依舊例其日三品以上職事官公服先於衍慶宮門外
西向班定俟皇帝服袍乘馬自應天門出四品以下職
事官前導導駕四十員閤祇六員各從人一名服錦山
帽錦絡縫偏帶至三門外下馬左右宣徽前導自正門
入左上殿百官合班立定六品以下聖武門外皇帝至
褥位先兩拜左宣徽贊稍東西立定入香案訖上拜褥兩拜
添香訖復位再兩拜依前西向立定排食訖上拜褥兩

拜奠茶訖復位再兩拜稍東西向立定先分引百官出少頃辭御容兩拜除見辭四拜外八拜百官並陪拜宣徽導引皇帝歸幄次更衣畢至三門外上馬侍衛導從如來儀

大定十六年四月十九日奉安世祖御容行朝謁之禮皇帝前一日齋於內殿皇太子齋於本宮親王齋於本府百官齋於其第太廟令率其屬於衍慶宮內外掃除設親王百官拜位於殿庭又設皇太子拜褥於親王百

官位前宣徽院率其屬於聖武門外之東設西向御幄
櫺星門東設皇太子幄次其日有司列仗衛於應天門
外俟奉安御容訖有司於殿上并神御前設北向拜褥
位安置香爐香案并香酒器物等皇太子比至車駕進
發已前公服乘馬本宮官屬導從至衍慶宮門西下馬
步入幄次親王百官於衍慶宮門外西向立班俟車駕
將至典贊儀引皇太子出幄次於親王百官班前奉迎
導駕官五品六品七品職官內差四十員於應天門外

道南立班以俟

每員引色衣從人一名
御溝內分左右排立

皇帝服靴袍乘

輦從官織扇侍衛如常儀

勅旨用大安輦
儀仗一千人

出應天門閣

通喝導駕官再拜訖閣門傳勅導駕官上馬分左右前

導至廟門外西偏下馬

導駕官
不陪位

車駕至衍慶宮門外稍

西降輦左右宣徽使前導皇帝步入御幄簾降閣門先

引親王宰職四品已上執事官由東西偏門入至殿庭

分東西班相向立典贊儀引皇太子入立於褥位之西

東向進香進酒等執事官並升階於殿上分東西向以

次立宣徽使跪奏請皇帝行朝謁禮簾捲皇帝出幄宣
徽使前導至殿上褥位北向立典贊儀引皇太子就褥
位閣門引親王宰執四品以上職事官回班並北向立

令中間歇空不礙奏樂五品以下奏請並宣徽使皇帝

聖武門外八品以下宮門外陪拜

再拜

教坊皇太子以下羣官皆再拜

並閣門

請皇帝詣

神位前褥位北向立又請皇帝再拜皇太子以下羣官
皆再拜請皇帝跪三上香三奠酒俛伏興又請皇帝再
拜皇太子以下羣官皆再拜訖請皇帝復位又請皇帝

再拜皇太子以下羣官皆再拜樂作宣徽使奏禮畢

以上

擬八拜宣徽院奏過依舊例十二拜

典贊儀引皇太子復立於褥位之西

東向閣門引親王宰執以下羣官東西向立

先引五品以下官出

宣徽使前導皇帝還御幄簾降典贊儀引皇太子閣門分引殿庭百官以次出宣徽使跪奏請皇帝還宮簾捲步出廟門外升輦還宮如來儀導駕官前導皇太子以下羣官後從俟車駕入宮乃退尋奉勅旨行禮畢更衣乘馬還宮十九年五月七日奉安三聖御容禮畢八日

親祠奏定儀仗一千人導駕官四十員五品六品七品
內差七日奉安禮畢應天門外習儀又以奉安後朝謁
與自來忌辰用素食事體不同奏奉勅旨用肉食以下
桑輦往還行禮大畧並奏過前一日清齋皇帝齋於內
殿皇太子齋於本宮親王齋於本府百官齋於其第前
一日太廟令率其屬掃除宮內外又各設神座於殿上
及陳設如式又設親王宰執百官拜位各於殿庭又設
皇太子拜褥於百官位前宣徽院率其屬於三殿門外

之東各設西向御幄又於衍慶宮門外之東從地之宜
設皇太子幄次亦西向又於殿上并神位前各設北向
拜褥又各設香案爐匙合香酒果器物等於三聖神座
前其日有司列仗衛於應天門外又設大安輦於應天
門內道東南向如式其日質明親王宰執以下百官
服於衍慶宮門外少東西向立班以俟車駕其日皇太
子公服乘馬本宮官屬導從如常先詣衍慶宮門東下
馬步入幄次俟車駕將至典贊儀引皇太子出幄次於

親王百官班前奉迎車駕

十六年皇太子立班係奏過

其日質明導

駕官公服於應天門外道南立班以俟每員許色衣人

從一名捧攏如御溝內分左右排立準備起居畢乘馬

前導俟皇帝服靴袍乘大安輦從官繖扇侍衛如常儀

出應天門車駕少駐閣門通喝導駕官起居再拜訖閣

門傳勅導駕官上馬分左右以裏為上前導至衍慶宮

門外西偏下馬車駕至衍慶宮門外稍西降輦左右宣

徽使前導引皇帝步入衍慶宮門內稍西乘輦

七寶輦

至

世祖殿門外降輦步入御幄簾降閣門先引親王宰執
四品以上職事官由東西偏門入至殿庭分東西班相
向立五品以下廣德門外立班典贊儀引皇太子入立
於褥位之西東向進香進酒等官並升階於殿上分東
西以次立宣徽使詣御幄前跪奏請皇太子朝謁之禮
簾捲皇帝出幄宣徽使前導於殿上褥位北向立典贊
儀引皇太子就褥位閣門引親王宰執并四品以上職
事官回班北向立奏請並宣徽使皇帝再拜皇太子以

下百官皆再拜並閣門贊拜請皇帝詣世祖神位前褥位向北立又請皇帝再拜皇太子以下百官皆再拜請皇帝跪三上香三奠酒俛伏興又請皇帝再拜皇太子以下百官皆再拜請皇帝復位又請皇帝再拜皇太子以下百官皆再拜樂止典贊儀引皇太子復位立於褥位之西東向閣門引親王宰執四品以上官以次東西相向立引五品以下官權於衍慶宮門外餘位止於各殿門外近西稍却皇帝步出廟門乘輦詣太宗殿門外

御幄稍憩皇太子親王宰執并四品以上官依班次先立於太宗殿下奏請皇帝詣太宗殿行禮如上儀禮畢詣睿宗殿行禮亦如之宣徽使奏禮畢典贊儀引皇太子復立於褥位之西東向閣門引親王宰執以下百官以次東西相向立贊者先引五品以下官出宣徽使引皇帝還御幄簾降典贊儀引皇太子閣門分引百官以次出宣徽使跪奏請皇帝還宮簾捲步出幄次乘輦至廟門內稍東降輦步出廟門外升大安輦還宮如來儀

導駕官前導皇太子以下百官後從俟車駕入宮門退
賀表

三后在天神遊雖邈一人思孝廟寢是崇既新寶構之
成載肅真儀之奉涓辰遷御浹宇均歡

中賀祗適先猷

緝熙茂集言念武元之成烈蓋遵聖肅之貽謀太宗守
以文睿考嗣其德慨瞻遺像增大原祠聳層觀之巍巍
規模其麗仰眸容之穆穆精爽如存臣陪侍親祠獲觀
縟禮孝悌之至遂能通諸神明祖考以安於是成其福

祿臣無任

二十一年四月一日奉安五聖御容五日親祠奉勅旨
仗儀省少着與世祖一處祭奏定前一日致齋其日擬
用儀仗七百人導駕官四十員皇太子并親王宰執以
次百官於衍慶宮門外奉迎皇帝服靴袍乘大安輦從
官繖扇侍衛如常儀出應天門至衍慶宮門外稍西降
輦步入宮門內稍西乘七寶輦至御幄俟皇太子班定
皇帝行朝謁之禮俟禮畢還宮如來儀係廣德殿行禮

先昭祖神位前再拜上香奠酒又再拜以次神位並同
餘如十六年十九年之儀奏稟安設神御次序若正面
安設昭祖景祖世祖并東西面安設肅宗穆宗康宗緣
食棹香案拜褥外地步窄狹擬權去山幙依廟室次序
安設奉勅旨三祖並於正位安置昭祖正中其次分左
右以東為上肅宗以下北正位稍斜安設二十一年五
月十二日睿宗皇帝忌辰擬定親祠儀禮蒙准呈行移
宣徽院依例聞奏十一日宣徽使稱不設小次不同導

駕官再定到下項前一日宣徽院設御幄於天興殿門外稍西至日質明皇太子親王百官具公服於衍慶宮門外立班奉迎皇帝乘馬至衍慶宮門外下馬二宣徽前導步入宮門稍東皇帝乘輦繖扇侍衛如常儀至天興殿門外稍西皇帝降輦入幄次簾降典贊儀引皇太子閣門引親王宰執四品以上官由偏門入出入如之至於殿庭左右分班立定二宣徽使導皇帝由天興門正門入自東階升殿詣褥位立定皇太子以下官合班五品以下

官班於門外

宣徽使奏請皇帝先兩拜請詣侍神位立俟有

司置香案酒棹訖請詣褥位兩拜三上香奠酒訖復位

再兩拜

以上皇太子以下皆陪拜一

再奏請詣稍東侍神位立典贊

儀引皇太子升殿赴褥位先兩拜奠酒訖再拜降復褥

位次閣門引終獻官趙王上殿行禮

如亞獻儀

宣徽使奏請

皇帝詣褥位再拜兩拜皇太子以下官皆再拜禮畢百

官依前分班立皇帝出殿門外入幄次簾降更衣次引

皇太子以下官出宮門外立班皇帝乘輦至宮門稍東

降輦步出宮門外上馬還宮導從侍衛如來儀皇太子
以下官俟車駕行然後退

大定五年七月二十五日奏請會寧府已起蓋祖廟元
奉勅旨候工畢委有司以時薦享今擬每歲元日寒食
節七月十五日冬至八月二十八日忌辰以本府長官
充獻官佐貳以下陪位勅旨准行仍設教坊所司前期
排辦茶食香茶花果至日供設酒饌質明禮直官引獻
官與陪位官以下並公服入廟庭詣面西位立俱再拜

訖引獻官詣殿正階下再拜訖升階至食案前褥位上
香奠酒訖一拜又再拜訖禮直官引獻官復位與陪位
官以下俱再拜訖退五年八月二十七日奉勅旨太祖
皇帝忌辰衍慶宮呈用素食享祭其餘諸京應有太祖
皇帝御容去處自今後每遇忌辰亦只用素食十一年
九月二十三日奉勅旨有太祖御容處只用素食奠茶
不用肉及酒樂緣慶元宮見設教坊四十人
五年八月一日奏設
奏過檢討故事檢到前漢書祖宗廟在郡國用樂及犧

牲宋會要忌日罷樂廢務擬過忌辰用素食其餘祭奠
用肉及酒樂勅旨准奏行慶元宮教坊樂依舊存設六
年五月以會寧府申稟慶元宮朔望朝拜禮數叅詳朔
望朝拜合依儀制外任官朝拜祖廟之禮拜褥用紫絹
所用茶食并黃香果食分數依西京及東京御容殿例
茶擬每次用二兩如有未盡名件就便移文東西京取
會比附施行蒙准呈六年三月大同府申自來每月一
十五日並詣祖廟上香即日車駕行幸其禮數有無依

舊契勘中都除五享及遣使并太祖忌辰親祠外無朔望上香之禮即日車駕到京亦合依例施行蒙准呈仍候車駕還都日却依舊例六年八月奏請每年太祖皇帝忌辰車駕詣衍慶宮親祠百官陪拜今車駕巡幸擬依諸京府遇太祖忌辰詣御容殿祭拜體例以宰臣為班首率百官詣衍慶宮行禮從之其日質明百官公服詣衍慶宮禮直官引班首官以下入自南東偏門于聖武殿下面北以東為上班首拜褥稍前同兩拜禮直官

引首官升階詣御容前兩拜少前搢笏跪上香奠茶訖
出笏就位一拜少退再兩拜訖引百官降階復位首官
以下同兩拜禮畢十六年四月二十二日奉勅旨遇太
祖忌辰如是夏捺鉢去雖未還都百官須得謁廟祭祀
不得有關常禮世祖忌辰亦仰祭祀續奉勅旨太祖忌
辰世祖太宗亦一處致祭無有妨礙檢討到唐禮閣新
編所載唐高祖以下諸帝忌日各另於兩京寺觀內致
齋行香外歷代無一聖忌辰列聖預祭故事看詳世祖

太宗若就聖武殿一處享祭須是昭穆並坐別無似此
典禮兼世祖太宗御容並是面東今來世祖在中位則
太祖在東位御容面不相嚮恐於禮未安未稟奏間勅
遣皇太子行禮祭一位并就功臣檢討到唐六典自高
祖以下國忌日並無親祭之禮亦無皇太子行禮典秩
今叅酌定到其日質明百官先赴衍慶宮皇太子公服
乘馬本宮官屬導從侍衛如常儀至衍慶宮門外下馬
入幄次少頃先引百官分班入宮庭殿下東西相向立

六品以下聖武門外典贊儀引皇太子由東偏門入赴殿下褥位立定百官合班先兩拜訖引皇太子左上殿面西少立入香案訖上拜再拜搢笏跪添香出笏就位一拜訖再兩拜稍東西向立出香案排食訖上拜褥兩拜搢笏跪奠茶出笏就位一拜訖再兩拜訖引皇太子降階復位再兩拜

以上十
二拜

百官皆拜先引皇太子出百

官以次分班出分獻官俟皇太子將升殿禮直官分引

獻官詣各位功臣前褥位立定俟殿上上香時獻官搢

笏跪齊上香奠茶訖出就位一拜再兩拜訖引詣次位
行禮如上儀俱拜訖立定齊引降階入班俟皇太子百
官辭神同兩拜訖以次出二十四年四月九日勅旨到
京第二日便謁廟六月十五日勅旨祖廟交依中都例
節朔享祭車駕不來後月一十五日亦燒香九月十五
日太祖廟薦新諸王公服欄子外奠酒百官殿下陪拜
九月十九日勅旨上京興王之地太祖廟只是忌辰日
享祀于禮未應雖山陵隨節享祀此亦隨節差官享祀

二十五年元日慶元宮享祭命幽王充使會寧同尹充
副使二十六年三月二十一日以裏外祖廟享祭不同
檢討擬定太廟每歲五享山陵朔望忌辰及節辰祭奠
並依前代典故外衍慶宮自來車駕行幸遇祖宗忌辰
百官行禮并諸京祖廟節辰忌辰朔望拜奠雖無典故
參酌恐合依舊以盡崇奉之意奏奉勅旨山陵朔望祭
享食料比節辰享祭食料約量裁減餘並依舊二十八
年八月十四日聖旨東京西京兩處有祖廟前來月一

十五日本處官享祭來兼太祖山陵在這裏有那裏無只合依這裏隨節享祭後是教禮部定部奏唐會要該載武宗廢天下寺上州以上各留寺一所國忌日行香列聖真容移入行香寺見得當時隨處御容止於忌日拜奠今看詳東西京祖廟隨節忌辰各有奠祭禮數其月一十五日在此山陵已有享祀之禮兼前代別無諸京祖廟朔望祭享典故若行停罷別無窒礙八月二十五日奉職劉元弼傳奉聖旨其東西京兼太祖不曾到

廟也不合立為是已有也教隨節忌辰祭奠其月一十五日准奏體罷上京廟比此兩處爭別是太祖生長本鄉東京大清安禪寺立貞懿皇后功德碑其殿曰報德之殿門名亦同

大定十年東京垂慶寺太后影殿曰孝思

大定三十年三月十三日奏

大金集禮卷二十一

欽定四庫全書

大金集禮卷二十二

別廟

孝成舊廟

孝成舊廟

大定二年四月一日擬奏閔宗皇帝緣無後嗣合別立
閔宗之廟有司以時祭享從之九月二十三日擬奏唐
故事孝敬皇帝以本謚為廟稱閔宗既不入廟不合稱

宗只合以武靈為廟稱從之十一月五日擬奏檢到唐

會要于太廟西別建中宗廟

中宗玄宗之伯於睿宗時
祔廟至玄宗時遷於別廟

却升祔睿
宗入太廟

又讓皇帝睿宗之子玄宗之兄立廟於立政

坊以此見得唐立別廟不必專在太廟垣內今來武靈

皇帝不稱宗又不預祫享其別廟擬於太廟東牆外階

東空閑地內建造係準備起建諸局署地步從之司天

臺選定十二年七月係國音通利年月合行起蓋是年

四月一日奏奉勅旨再檢討檢照到大定二年元擬建

廟事引唐會要開元四年用太常卿姜皎議以中宗無
後出為別廟今武靈皇帝別無後嗣與唐中宗事體一
同合依前項典故已奏定立別廟今再檢到唐會要中
宗初祔太廟至開元四年因議睿宗升祔而太廟止七
室當時以中宗無後出置別廟而祔睿宗至開元十年
添置九室中宗尋復升祔據此則中宗始終皆祔廟來
又按晉書諸儒議謂惠懷及愍宜別立廟今考晉禮志
三帝皆祔太廟則惠懷愍雖無後竟不用別廟之議也

兼唐莊宗亦無後嗣明宗時升祔于太廟若依此典故
武靈皇帝亦合升祔然中宗之祔廟始則有虛室終則
添為九室晉惠懷之祔廟係遷豫章潁川二廟唐莊宗
之升祔係祧懿宗一室今太廟之制除祧廟外係七室
十一室已有定數如或升祔武靈皇帝即須別祧一廟
緣唐書引荀子曰有天下者事七世謂從禰以上也若
旁容兄弟上毀祖考則天子有不得事七世者矣伏覩
太廟世次自睿宗皇帝上至始祖皇帝係是七世別無

可祧之廟若添置廟室則晉書云廟以容主為限無拘
常數東晉與唐皆用此議增至十一室兼晉成帝之後
唐帝承統以兄弟一世故不遷遠廟而增室以祔成帝
始有十一室唐會昌六年以敬文武三宗同為一代于
太廟東間添置兩室定為九代十一室今太廟已是十
一室如用不拘常數之說雖增至十二室亦可也然廟
制已定更易增展其事至重據五代會要周世宗顯德
六年將祔太祖神主博士聶崇義奏殿室闕少若是添

修並須移動神門及角樓宮牆等不唯重勞兼恐未便
欲請將夾室安排位次遂遽遷諸室奉安太祖於夾室
今來若依唐會昌之制於東邊增展即須動移神門太
階諸祔室並須動移別行安置若依此更改升祔又緣
與睿宗皇帝祔室上下昭穆位次恐有更易按春秋文
公二年大事于太廟躋僖公穀梁傳曰躋升也逆祀也
君子不以親親害尊尊此春秋之義也范甯注云僖公
閔公兄也故文公升僖公於閔公之上耳僖公雖長已

為臣矣閔公雖小已為君矣臣不可以先君猶子不可以先父又按晉書元帝于愍帝為叔然于愍帝嘗北面稱臣故元帝神位在愍帝之下後當大禘王導與荀松議昭穆之位王導謂愍帝君位永固無復暫還子位之理且廟尚居上祀安得居下若暫下是逆祀也又後漢祭祀志云父為昭南向子為穆北向父子不並坐而孫從王父今若武靈皇帝升祔太廟增廣作十二室若依春秋尊尊典故武靈皇帝祔室當在第十一室遇禘祫

合食依孫從王父典故當在太宗之下而居昭位又合稱宗緣前來已升祔睿宗皇帝在第十一室及累遇祫享睿宗皇帝在穆位與太宗皇帝昭位相對若更改祫室及昭穆位次非有司所敢輕議兼按唐禮官元議中宗為別廟時謂漢之光武不嗣於孝成而上承於元帝中宗無後請同漢之成帝出為別廟自漢有之今按後漢書光武繼體元帝於孝成為兄弟自元帝已上祭於洛陽廟帝親奉祠成帝以下祠於長安有司行事見得

係祭於別廟亦有此典故伏取聖裁十三年閏正月二十一日奏奉聖旨起建別廟尋檢引周朝別廟法式南垣一屋三間東西垣各一屋一門每門二十四戟建殿三間齋房神厨度地之宜修建其殿上堂房戶牖一准太廟之制以太廟東牆外階東空闕地內建造十三年三月十三日差戶部尚書曹望之奏告太廟十六日戊申啓土差禮部郎中王中安祭告太歲土地諸神十月二十五日上梁差吏部郎中蒲思烈依例祭土地神位十

五年三月十九日擬奏今年三月二十七日戊申奉安
武靈皇帝悼皇后於別廟檢討到唐禮閣新儀大厯十
四年代宗神主祔廟就享來將來奉安亦合行享禮緣
代宗自太極殿具鹵簿奉迎神主至太廟升祔今來奉
安神主依前代典禮并本廟已行升祔禮數止合就本
廟西南隅設幄恭造叅酌典故神主幄次在本廟西南
隅相去廟殿甫近難以排列儀仗擬攝太尉行事百官
後從仍用享禮前一日丁未奏告太廟十一室及祭告

昭德皇后廟從之二十一日命中丞劉仲誨監造神主

仍差王彥潛題寫

中篚盥洗官各一

命皇子趙王攝太尉充初

獻官行禮禮部尚書張景仁攝司徒刑部尚書梁肅攝

侍中差太府監白鉉少尹高居中充亞獻官終獻并差

太常光祿卿大樂太廟廩犧令協律奉禮郎贊者監祭

博士奉神主宮闈令捧几太祝內侍司尊彝奉瓚奉爵

酒盥洗爵洗讀祝官各一舉祝中篚太官令祝史二員

齋郎禮直官各十差勸農使莎魯古二員告廟并別廟

享前三日三獻官應行事執事官等受誓戒如常儀百
官各於其第清齋一宿奉安行事官亦清齋一宿其日
不赴朝叅神主用栗如太廟之制前三日本廟西南隅
東向設幄次席褥前一日製造訖其日晚內中尚奉承

以箱覆以帕

帝主覆以黃羅帕藉以白羅帕
后主覆以紅羅帕藉以青羅帕

捧詣幄中

奉安日丑前五刻題寫官與侍中禮官詣幄前太祝官
闡令先以香捧沐拭以羅巾題寫官盥手就褥位題訖
墨書用光漆摸訖授太祝官闡令各捧詣座置於神匱

帝主在右 覆以帕乃下簾帷侍衛如式以俟奉安儀衛
后主在左

如昭德皇帝過廟儀前一日太廟令率其屬掃除廟之
內外兵部於廟之四門約度設兵衛旗幟儀鑾設饌幔

一所於南神門外之西大樂局設登歌之樂於殿上前

楹門北向儀鑾於廟西南隅設神幄一所簾全幄內設

黼扆一床

裙全几二

帝用曲几后用直几

莞席一縑席二次席四桃

皮竹席二虎皮席二紫綾厚褥一紫綾蒙褥一香案爐

合匙金燭臺二火筋一箱二黃羅帕一白羅帕一紅羅

帕一素羅帕一白羅巾二浴神主銀盆二題神主席褥
金香湯光漆筆墨全壘洗一勺一篚一帨巾一藉席一
禮直官設太尉以下行事直事官版位褥位並如時享

之儀又設百官位於享官之南東西相向重行以北為

上

如窄隘六品以下職事官于神門外東西相向或更難以排列八品以下于東神門外

又設祝

案尊彝籩豆等器亦如時享之儀又設盥洗位於街之

南稍東壘在洗東加勺篚在洗西南肆實以巾執壘篚

者位於其後太廟令又設神位於室內北牖下當戶南

向設曲几一黼屨一莞席一繅席二次席四桃皮席二虎皮席二紫綾厚褥一紫綾蒙褥一并幄帳等諸物並如太廟一室之儀所司陳儀衛於幄次前禮直官設省牲版位享日丑前五刻光祿卿帥其屬入實祭器尊彝各如常儀前一日請太祝與廩犧令以牲就東神門外如省牲圖司尊彝與禮直官及執事者皆入升階以俟禮直官引太常卿贊者引御史由西階升遍視滌濯執事者舉冪告潔訖引降就牲禮位廩犧令又前北向躬身

曰臚還本位太祝與廩犧令以牽牲詣厨授太官令贊者引光祿卿詣厨省鼎鑊申視滌漑贊者引御史入厨省饌具訖與太常卿等各還齋所太官令帥宰人以鸞刀割牲祝史取毛血共實一豆又取肝膋一豆置饌所遂烹牲奉安日丑前五刻有司進方扇團扇燭籠設腰輿繖等於幄次前質明候題神主訖禮直官引太尉以下法服入立於東神門外北向西上大樂令帥工人先入次引太尉以下行事執事官入視廟庭位次引百官

以次公服詣南神門外幄次重行立定

如宰監六品以下並門外立俟

攝侍中於神幄前俛伏跪奏請帝后神主奉安於廟降座升輿詣廟奏訖俛伏興捧几太祝內侍先捧几匱跪置於輿几在前匱在後又太祝宮闈令捧接神主攝侍中禮官等前引跪置于輿上几後覆以帕繖扇侍衛如式侍中以下分左右前引百官分左右後從由南神門入

內百官由東西偏門入

導從扇傘至殿階下依左右立腰輿至

階百官立於享官之南東西相向重行以北為上攝侍

中於腰輿前奏請降輿陞座腰輿繖扇退捧几太祝內侍捧几匱前太祝宮闈令捧接升座帝主在西后主在東神主南面題處向北用帕覆侍中以下各復本位奉禮郎贊曰再拜太尉以下百官在位者皆再拜禮直官詣太尉之左曰有司謹具請行事協律郎跪俛伏興樂作禮直官引太尉詣盥洗位立定樂止搢笏盥手悅手執笏詣爵洗位北向立搢笏洗瓚拭瓚以授執事者執笏升殿樂作至酒尊所西南立樂止執事者以爵瓚奉

初獻初獻搢笏執瓚執事者舉竊太官令酌鬱鬯訖初獻以瓚授執事者執笏詣神位前北向立搢笏跪執事者以瓚奉初獻初獻執瓚以鬯裸地訖設沙池授執事者搢笏俛伏興出戶外北向再拜訖初獻降階樂作復位樂止初獻將升裸祝史奉毛血肝膋豆齋郎奉爐炭蕭蒿黍稷籩各於饌幔內以俟初獻晨裸訖以次入自正門升階太祝迎毛血肝膋豆於階上入奠於神座前齋郎所奉爐炭蕭蒿黍稷籩各置於室戶外之左與史

祝俱降階以出太祝取肝骨洗於鬱鬯燔於爐炭訖還尊所既升裸太官令帥進饌者奉陳於南神門外饌幔內禮直官引司徒出詣饌所司徒與薦俎齋郎奉俎并薦籩豆簠簋官奉籩豆簠簋禮直官太官令以序入自正門樂作升階太祝迎引於階上樂作設於神位前訖禮直官引司徒以下降階樂止太祝取蕭蒿黍稷孺于脂燔于爐炭還尊所禮直官引初獻詣壘洗位樂作至位北向立樂止搢笏盥手悅手執笏詣爵洗位北向立

搢笏洗爵拭爵以爵授執事者執笏升殿樂作詣酌尊
所西向立樂止執事者以爵授初獻初獻搢笏執爵執
事者舉冪太官令酌酒訖初獻以爵授執事者執笏詣
神位前樂作北向立搢笏跪執事者以爵授初獻初獻
執爵三祭酒于茅苴奠爵執笏俛伏興出戶立樂止贊
者次引太祝詣室戶外東北向舉祝官跪舉祝版太祝
搢笏跪讀祝文讀訖置祝於案俛伏興舉祝官皆却立
北向位贊者曰再拜初獻就兩拜降階樂作復位樂止

舉祝讀祝官後從復本位禮直官次引亞終獻詣盥洗

位及升殿行禮如上儀

出戶外北向再拜止降階樂作無讀祝一節

降階復

位次引太祝徹籩豆

籩豆各少移

樂作卒徹樂止俱復位禮

直官賜胙贊者承傳曰賜胙再拜在位者皆再拜攝侍

中太廟令太祝宮闈令納神主於室復本位禮直官贊

者引行事執事官各就位奉禮贊曰再拜贊者承傳在

位者皆再拜贊者曰禮畢引享官自東門出禮直官引

百官自南神門出大樂令帥工人以次出太官令帥其

屬徹禮饌次引監祭御史詣殿監視卒徹訖還齋所太

廟令闔戶以降太祝藏祝版于匱光祿卿以胙奉進

監祭

御史展視光祿卿
望闕再拜訖奉進

大定十五年四月十七日夏享太廟同時行禮命判宗

英王與攝太尉充初獻官兵部尚書讓攝司徒差大理

卿天錫攝太常卿充亞獻大興少尹高居中攝光祿卿

充終獻并差太常光祿卿大樂太廟令司尊彝太常博

士監祭讀祝官一太官令二奉贊奉爵酒官一舉祝官

二太祝奉禮協律郎一齋郎十廩犧令壘爵洗官一巾
篚官二宮闈令一禮直官七贊者一其齋戒陳設省牲
晨裸饋食酌獻並如太廟儀係用一室遵豆尊彝之數
自是歲常五享

大定十七年十月十四日祫享太廟緣武靈皇帝已建
別廟檢討到唐孝敬皇帝廟時享用廟舞宮懸樂登歌
讓皇帝廟該至禘祫月一祭只用登歌其禮制損益不
同及俱不係曾經在位兼武靈皇帝廟庭與太廟地步

不同難以容設宮懸樂舞并樂器亦是闕少看詳恐合
依上項讓皇帝祫享典故樂用登歌所有牲牢樽俎同
太廟一室行禮及契勘得自來祫享遇親祠每室一犢
攝官行禮共用三犢今添牛數奏奉勅旨太廟別廟共
用三犢武靈皇帝廟樂用登歌差官奏告並准奏命判
宗英王與充攝太尉祫享初獻官左丞石琚充亞獻右
丞安禮充終獻樞副宗尹攝司徒行禮差戶部尚書張
仲愈勸農使蘓勒庫攝太常光祿卿御史中丞邈充奏

告官於十月六日告本廟并差太常光祿卿

三品

大樂太

廟令司尊彝

六品

太博監御讀祝太祝官一太官令二奉

爵酒官一

七品

舉祝官二太祝一祝史二奉禮協律郎一

齋郎十六廩犧令壘洗爵洗官一巾篚官

八品

宮闈令一

禮直官八贊者一


九品時享自太常以下部
擬差祿享太常光祿省差

除享前七

日太尉初獻讀誓文享官散齋四日致齋三日陳設省
牲晨裸饋食酌獻並如時享之儀

大定十九年四月二十日升祔太廟依唐中宗還祔太

廟故事其舊廟折毀



大金集禮卷二十二

欽定四庫全書

史部

大金集禮卷二十三至
二十八

詳校官監察御史_臣劉芬

編修_臣程嘉謨覆勘

覆校官中書_臣汪學金

校對官中書_臣王鍾泰

謄錄舉人_臣劉禮

欽定四庫全書

大金集禮卷二十三

御名

聖節

御名

天會十四年六月齊國申乞降下御名音切及同音字

號下禮部檢討問具申覆施行

天會十三年十一月已
依亡遼乾統二年體式

定撰帖草令沿邊州

城牒報高麗齊夏國

皇統三年學士院看詳高麗賀表內犯太廟諱同音緣

元初不經開牒至有犯諱今來只合全錄廟諱御名及同音字號分朗開牒施行尚書省商量擬與宋國一就開坐牒報勅旨准奏

大定元年十二月十六日御前批送下御名廟諱欽慈皇后貞懿皇后諱并萬春節二年閏二月十一日奏定御名廟諱并欽慈貞懿皇后迴避字樣合遍下隨處外御名廟諱報諭外方

四月九日三國牒草不該閏宗諱以議立別廟

故

大定九年正月二十三日檢討到唐會要該古不諱嫌
名若禹與雨是也後世廣避故諱同音別無迴避相類
字典故今御名同音已經頒降迴避外有不係同音相
類字蓋是訛誤犯止合省諭各從正音餘救切二十八
字係正字同音合迴避尤救切十六字不係同音不合
迴避勅旨准奏

大定十四年三月四日禮部尚書張景仁進入下項更
名典故五日宰臣奉勅旨檢擬字樣十一日奏定

於容切

字命學士撰詔十七日頒下仍遣官分告天地宗廟社

稷五嶽

具奏告門

漢宣帝初名病已元康二年夏五月詔曰

聞古天子之名難知而易諱也今百姓多上書觸諱以

犯罪者朕甚憐之其更諱詢諸觸諱在令前者赦之唐

武宗初名漑會昌六年三月制曰漢宣帝御歷十年乃

從美稱朕遠追大漢之事改名為炎仍令所司擇日分

命宰臣告天地宗廟其舊名中外奏章不得更有迴避

五代後唐明宗初名嗣源天成二年正月制改名為亶

宣訖百僚稱賀兼差官告郊廟社稷五代漢高祖本名
智遠乾祐元年正月勅曰君父之名貴於易避臣子之
敬難以斥尊苟觸類以妨言必迂文而害理爰從改革
庶叶典章今改名嵩宋國史太宗初名光義太平興國
二年春二月詔曰制名之訓典經攸載矧乃膺期纂極
長世御邦思稽古以酌中貴難知而易避朕改名炅除
已改州縣職官及人名外舊名二字不須迴避制曰天
子之名貴難知而易避人君之德當寬御以簡臨以其

字有於協音是使語涉於觸諱若因循而不改則過誤以誰無朕甚愍焉期無犯者今更名仍令所司擇日告天地宗廟社稷五獄其舊名更不須迴避布告中外咸使聞知四月二十七日擬奏官制國號大國內有一字犯御名送學士院檢定到史記周武王之子虞封於唐其地在今太原若以代合避國名似為允當從之五月又以武清民姓犯御名太常寺檢討到舊五代史晉帝紀天福七年勅應宮殿州縣名及官名府號人姓名有

與高祖諱同音者悉改之今前人本姓于平聲去聲韻

內各行收入疑混不明字畫正犯御名亦合迴避學士

院檢照到唐廣韻去聲

犯御名

字注云姓風俗通云文王

子

犯御名

伯之後又春秋左氏傳僖公二十四年富辰曰

管蔡邠霍魯衛毛聃郛

犯御名

曹滕畢原鄆郇文之昭也

注云十六國皆文王之子釋文云

犯御名

於用反又何承

天姓苑平聲姬字注云周姓也今以衆說參考

犯御名

氏

其先蓋出

犯御名

伯之後周文王之子封于

犯御名

後世因

以為姓周本姓姬擬從其本姓改曰姬二十二日准呈

聖節

太宗皇帝十月十五日天清節受百官及外國使朝賀

夏使自會二年高麗使自會四年齊使自會八年

閔宗皇帝七月七日生辰

天會十三年六月二十一日詔以每歲正月十七日為

萬壽節受諸國朝賀

以七月七日景宣皇帝忌辰又以暑雨泥潦使驛艱阻故用正月而

羣臣宗戚獻壽賜宴則於生辰之明日

天會十四年閏月以隨處申稟萬壽節未審於正生辰

或正月十七日開設道場齋筵奏奉勅旨七月七日是
生辰緣係景宣皇帝忌辰以此改正月十七日為萬壽

節宜於其日資集

天清節崇壽寺道場三晝
夜萬壽節七月七日依例

大定元年十二月二十六日御前批劄三月一日為萬
春節

大定四年正月勅旨隨處供納正旦生辰禮物今後並
行免進禮部擬自大定五年為頭免納只拜表稱賀蒙批
降已起發在路之物並合免納進表事准呈

隨京府州
軍并運司

欽定四庫全書

大金集禮
卷二十三

五

每年合供正旦生辰禮物綾羅共二千三十段內正旦生辰綾各四百九十四段羅各五百四十一段

大定二年二月十一日禮部擬呈依准前來舊例五品以上文武職事官依下項等第供進銀香合蒙准行三師三公五十兩親王宰臣使相四十兩執政官三十兩二品二十五兩三品二十兩四品十五兩五品一十兩具位臣姓名今謹進獻萬春節祝聖壽儀物如後香一銀合重四十兩紅羅複金右謹隨狀上進以聞謹進年月日具位臣姓名上進

大定十六年三月萬春節職事官進到銀香合奉勅旨
四品以下官並免三品以上官依例交納

大定十三年閏正月十三日奏請自來萬春節止斷屠
宰一日切恐未為允當檢討到宋會要承天節禁屠七

日乾元節禁屠三日今據萬春節三月一日為頭禁斷

屠宰三日從之隨朝官賀儀

具朝會門上

儀制諸外路京府

州軍縣分等處每遇聖節筵會如有賜宴天使者官職
從一高叙非賜宴者並以職為叙若寄居無職事官並

以前職為叙如無前職以散官為叙品從雖高亦在見任官長之下又京府并運司每遇萬春節筵會留守府尹與運使客禮東西相見並坐又隨朝官差出外路勾當如遇萬春節筵會並不合赴又諸官司每遇聖節賜宴並服公裳至席起簪花者仍戴至所居

大金集禮卷二十三

欽定四庫全書

大金集禮卷二十四

赦詔

御樓宣赦

隨朝拜赦詔

外路迎拜赦詔

隨朝迎拜歷日詔

外路迎拜歷日詔

御樓宣赦

大定七年正月十一日上尊冊禮畢十四日御應天門

頒赦儀前期宣徽院帥其屬陳設應天門之内外又設更衣御幄于大安殿門外稍東南向閣門使設捧制書箱案於御座之左少府監准備樹雞竿于樓下

之左

竿上置大盤盤中置金雞雞口銜絳幡幡上金書大赦天下四字其幡俯而銜之盤四面近邊

安大鐵鐶四隻盤底四面近邊懸麗紅繩四條以俟四伎人攀緣

又設捧制書乘鶴

仙人一以紅繩貫之置於御前欄干上

繩用轆轤引

又設

承鶴畫臺於樓下當中

臺以弩手四人對舉

大樂署設宮懸於

樓下又設鼓一於宮懸之左稍北東向兵部立黃麾

仗於門外刑部御史臺大興府以囚徒集於左仗外
御史臺閤門司設文武百官位於樓下東西相向又
設典儀位於門下稍東西向宣徽院設承受制書案
於畫臺之前又設皇太子侍立褥位於門下稍東西
向又設皇太子致賀褥位於百官班前又設協律郎
位於樓上前楹稍東西向尚書省委所司設宣制書
位於百官班之北稍東西向司天臺設雞唱生于東
闕樓之上尚衣局准備皇帝常服

如常日視朝
所服之服

尚輦

設輦於更衣御幄之前躬謝禮畢皇帝乘金輅入應
天門至幄次前侍中俛伏跪奏請降輅入幄俛伏興
凡奏請
准此皇帝降輅入幄簾降少頃侍中奏中嚴又少

頃俟典贊儀引皇太子就門下侍立位通事舍人引
羣官就門下分班相向立侍中奏外辦皇帝服常服
以出如常日視朝
所服之服尚輦進輦侍中奏請升輦繖扇侍

衛如常儀由左翔龍門踏道升應天門至御座東侍中

奏請降輦升座宮懸樂作所司索扇

扇十
五柄

扇合皇帝臨

軒即御座樓下鳴鞭簾捲扇開

執御繖者張於軒前以障日

樂止東

上閣門使捧制書置于箱閣門舍人二員從以俟引繩

降乘鶴仙人通事舍人引文武羣官合班北向立宮懸

樂作立定樂止

應分班合班並樂作立定即樂止

典儀曰再拜在位官

皆再拜拜訖分班相向立侍中詣御座前承旨退稍前

南向宣曰奉勅樹金雞退復位金雞初立大樂署擊鼓

樹訖鼓止竿木伎人四人懸繩上竿取雞所啣絳幡展

示訖三呼萬歲通事舍人引文武羣官合班北向立樓

上乘鶴仙人捧制書循繩而下至畫臺閣使奉承置於案閣門舍人四員舉案又二員對捧制書閣使引至班前西向稱有制典儀曰拜在位官皆再拜訖以制書授尚書省長官稍前搢笏跪受訖以付右司官右司官搢笏跪受訖長官出笏俛伏興退復位右司官捧制書詣宣制位都事對捧右司官宣讀至咸赦除之所司帥獄吏引罪人詣班南北向躬稱脫枷訖三呼萬歲以罪人過右司官宣制訖西向以制書授刑部官跪受訖以制

書加於笏上退以付其屬歸本班典儀曰拜在位官皆
再拜舞蹈又再拜典贊儀引皇太子至班前褥位立定
典儀曰拜皇太子以下羣官皆再拜典儀引皇太子稍
前俛伏跪致詞云云俛伏興典儀曰再拜皇太子以下羣
官皆再拜搢笏舞蹈又再拜侍中於御座前承旨退臨
軒宣曰有制典儀曰再拜皇太子以下羣臣皆再拜侍
中宣答云云宣訖歸侍位典儀曰再拜皇太子以下羣官
皆再拜搢笏舞蹈又再拜訖典贊儀引皇太子至門下

稱位通事舍人引羣官分班相向立侍中詣御座前俛
伏跪奏禮畢俛伏興退復位所司索扇宮懸樂作扇合
奏降皇帝降座樂止樓下鳴鞭皇帝乘輦還內繖扇侍
衛如常儀侍中奏解嚴通事舍人承勅羣臣各還次將
士各還本所

大定十一年冬至南郊禮畢御應天門宣赦儀前期殿
中監帥尚舍設御幄于大安門外之東南向設御閣于
應天門上近後設張設門之內外設御座于前楹當中

南向又設捧赦書儀物於御座之東稍南少府監設鷄竿于樓前大樂令設宮懸于橫階之南鼓一在懸西稍北東向諸軍儀仗陳列如式期日御史臺刑部大興府以囚徒集於儀仗後東上閣門設文武百官位於樓下少頃皇帝便服自御幄前乘輿升應天門導駕官儀衛

前導

導駕官俟皇帝升即還班退

升應天門至御閣東降輿歸閣簾

降翰林學士進呈赦書訖以授東上閣門使捧置于箱

付閣門舍人二員以俟降乘鶴仙人

儀鑾司准備懸朱絲繩木鶴

閣

門以赦書安設東上閣門使設制案于樓下

用黃羅案褥案衣

立於案側百官于樓前分班立定侍中升詣御座之東

西向立通事舍人引侍中跪奏中嚴少頃又奏外辦

並

伏跪
伏興

簾捲大樂令撞黃鍾之鐘右五鍾皆應昌寧之

樂作扇合皇帝服常服朝服出閣臨軒即御座樓下鳴

鞭扇開樂止侍衛如常儀禮直官通事舍人分引皇太

子三公親王宰執以下橫行北向立

如常朝儀典儀曰再拜

贊者承傳在位者皆再拜分班東西相向通事舍人一

員詣樓前北向立侍中于御座前承旨退稍前西向宣
曰奉勅立金鷄退復位樓下舍人東向宣曰奉勅立金

鷄宣付所司

少府監

退復位金鷄初立大樂署擊鼓樹訖

鼓聲止竿木伎人四人緣索爭上取鷄口所啣絳幡

長幅

七尺捧赦書循繩而下至地以畫臺承鶴門下侍郎一

員搢笏就捧赦書北向跪奏制書請付外施行

制書權付禮直

官執笏俛伏興躬身北向次引侍中詣御座前承旨退

西向宣曰制可退復位禮直官引首相與門下侍郎北

向並跪門下侍郎搢笏捧赦書授首相首相受訖

禮付直

官執笏俛伏興捧歸位以授右司郎中跪受訖捧置於

制案禮直官通事舍人引百官合班北向立右司郎中

詣宣制位

省令史二人捧制書

立東上閣門使立於位東北宣曰

有制典儀曰再拜贊者承傳在位官皆再拜左司郎中

宣制至咸赦除之司獄一員詣班南向躬稱脫枷訖

三呼萬歲以罪人過右司郎中捧制書付刑部尚書刑

部尚書受訖執笏以勅書加于笏上以授所司還位典

儀曰再拜贊者承傳在位官皆再拜通事舍人引班首

稍前俛伏跪致詞

云云

訖復位典儀曰再拜贊者承傳在

位官皆再拜搢笏舞蹈又再拜東上閤門使詣樓前北

向承旨退於班首前西向稱有制典儀曰再拜在位官

皆再拜東上閤門使宣答

云云

訖復位典儀曰再拜在位

官皆再拜舞蹈又再拜訖分東西班序通事舍人引侍

中詣御座前跪奏禮畢扇合大樂令撞蕤賓之鐘左五

鐘皆應昌寧之樂作簾降皇帝降座還御閤樂止樓下

鳴鞭百官退立乘輿還宮導駕官繖扇侍衛警蹕如常儀至致齋殿侍中俛伏跪奏請解嚴俛伏興通事舍人承旨宣曰奉勅放仗羣臣各還次將士各還其所

皇統元年十月行冊禮十二日大赦取得金鷄合支賜分例具到亡遼大冊體例恩賞下項奉勅旨除古籠勾當不與外並奏准支綿襖子一領銀束帶一條絹一十足銀一十兩錢一百貫喂金鷄粟一百石外與訖燕京六州二十四縣散樂筋斗杆杖古籠勾當

大定十一年金鷄七兩戶

部無支賜例工部
卷該依金價贖換

隨朝拜赦詔

已上四件並
大定儀制

宣赦日於應天門外設香案及設香輿于案前又預設
棹子自皇太子宰臣以下序班定閣門官於箱內捧赦
書出門置於案閣門官案東立南向稱有勅贊皇太子
少前上香訖復位皇太子宰臣百僚又再拜閣門官取
赦書授尚書省都事都事跪受及尚書省令史二人齊
捧同陞于棹子讀在位官皆跪聽讀訖赦書置于案都

事復位皇太子宰臣百寮以下再拜搢笏舞蹈執笏俛
伏興再拜拱衛直以下三稱萬歲訖退

其降諸書禮亦
准此惟不稱萬

外路迎拜赦詔

尚書省差官送赦書到京府節鎮先遣人報長官即率
僚屬吏從人等備旗幟音樂綵輿香輿訖五里以來迎
接見送赦書官即於道側下馬所差官亦下馬取赦書
置於綵輿中長官詣香輿前上香訖所差官在香輿後

長官以下皆上馬後從鳴鈺鼓作樂前導至公廳從正門入所差官下馬執事者先設案并望闕褥位于庭中香輿置於案之前又設所差官褥位在案之側又設棹子在案之東南所差官取赦書置于案綵輿退所差官稱有勅贊長官以下皆再拜長官少前上香訖退復位

又再拜所差官取赦書授都目

都目跪受

及孔目官二員

如開

則司吏內上三人

齊捧赦書同陞棹子上讀在位官皆跪聽讀

訖赦書置於案都目等復位長官以下再拜舞蹈俛伏

與再拜公吏及從人以下三稱萬歲長官以下與所差

官相揖訖於廳前勸酒饌

如京府節鎮差公吏送赦書于文郡屬縣並同其相揖勸

酒饌及下禮數不用如京府節鎮有舊例幣物之禮來獻所差官

以付從人所差官行長官率僚屬公吏音樂送至城門

外客亭長官以下與差官相揖勸酒一卮長官以下俱

別差官上馬乃退

尚書省差官送詔書儀禮倣此惟幣物不用

諸京府并運

司如遇降赦詔合行同共迎接候本京府官員禮畢即

就用元迎接伎樂旗幟導引前去本司依例祇受

天德二年正月稟定隨衙門與送赦使臣錢數以公用
錢充館待同送宣儀行省元帥府五百貫畱守總管招
討統軍司三百貫府詳穩統收都運節度使二百貫轉
運防禦羣牧一百貫膳下去處不得率歛饋遺并例外
受者科違制

隨朝拜歷日詔

詔下日於尚書省

元帥府宗正府等即于本府尚書省于都堂前

設香案宰執

依次序班定閣門官於箱內捧詔書出置於案閣門官

於案東立南向稱有勅贊宰執以下再拜班首少前上香訖復位宰執以下再拜閤門官取詔書授尚書省都事都事跪受置於案都事復位宰執以下再拜搢笏舞蹈執笏俛伏興再拜訖乃退

外路迎拜歷日詔

尚書省差官送詔書到京府等處先遣人報長官率僚屬吏從人備旗幟音樂綵輿香輿詣五里以來迎接望見送詔書官即于道側下馬所差官亦下馬取詔書置

輿中長官詣香輿前上香訖所差官上馬在綵輿後長官以下皆上馬後從鳴鈺鼓作樂前導至公廳從正門入所差官下馬執事者先設案并望闕褥位于庭中香輿置於案之前又設所差官褥位于案之側所差官取詔書置於案綵輿退所差官稱有勅贊長官以下皆再拜長官少前上香訖復位又再拜所差官取詔書授都目都目跪受以詔書置於案都目復位長官以下再拜舞蹈俛伏興再拜訖退與所差官相揖畢於廳前勸酒

饌訖所差官行長官率僚屬送至城門客亭長官以下
與所差官下馬相揖勸酒一卮相別所差官上馬乃退

欽定四庫全書

大金集禮卷二十五

宣命

宣麻

賜勅命

送宣賜生日

宣麻

大定四年十一月檢討宣麻典故叅酌定到下項

封皇太子

妃元議宣麻後止給誥

學士院撰到制書用白詔紙依寫詔字大

小錄一本不用寶進呈訖次日分付閤門司設制案於

東上閤門之外俟朝退駕還內以制書置於案上御史

臺催百官班分左右入每品重行立於塲道之外

左班
西向

右班
東向

皆以北為上閤門使引制案當殿

在殿階下
稍近南

案前

北向立搢笏跪閤門使捧制授宰臣俛伏興執笏捧制

歸位搢笏轉授宣讀通事舍人執笏捧制揖訖由東塲

道赴宣制位

在常朝百官拜褥
之北制案之南

西向揖訖北向立左右

班百官皆轉身北面立贊者稱有制在位官皆再拜舍

人搢笏宣讀讀訖在位官皆再拜搢笏舞蹈又再拜舍
人執笏捧制搢笏授宰臣授訖制付有司百官以次分
班出

賜勅命

天眷二年八月學士院定撰到文武官給告式蒙准
行下項諸后妃公主一品及二品執政官三品諸京
留守元帥監軍都監殿前都點檢統牧統軍招討節
度使並制授告庭

內藩鎮非會要及
帶知字者並勅除

餘並勅授給告

四品以上用辭

勅授者五品以上內外文武官除職遷官六

品七品省臺寺監東宮學士院客省引進四方館閣

門副使司天監少太醫使副除職九品以上有勞特

遷官草澤遺逸上封事特命官並給告諸除官五品

以上出宣六品以下出勅牒外其應給告者吏部限

三日報學士院命詞制授限五日勅授限三日納尚

書省制勅授官者並用吏部告印大定見行官制親

王公主王妃郡縣主王夫人及一品官爵並制授餘

並勅授又五品以上遷官除職及因子孫封贈授官

者六品七品省臺寺監

謂尚書省部御史臺太常大理寺秘書國子太少府都水

監其所轄司局非東宮學士院國史記注諫院宣徽院客省引進四方館東向上閣副除職並給告仍並

命詞

大定二年七月五日奏定妃嬪以下告身並用有司印
十一月十五日勅旨內職四品以上給宣告五品以上
只給告十一年八月三日勅旨今後宮中妃嬪止以誥
授不用宣二十三年三月七日勅旨一品官職及宮中

公主妃用玉寶九日稟奏緣內職公主王妃等並係誥授用吏部告印奉勅旨妃嬪以上及宮主王妃並給宣誥其誥仍舊以下止給告授宣勅見行儀式六品以下官於仁政殿門外公服北向立俟閣門將勅出搢笏跪接勅置於懷出笏兩拜退五品以上受宣官俟奏事畢引至丹墀閣門以箱複擎宣命至聞勅先兩拜又拜跪搢笏捧接宣命置於懷出笏就拜又兩拜訖退至丹墀之東開視訖閣門引升副階靠南奏謝致詞訖兩拜降

自西副階

六品七品受勅合奏謝者並一班

二品欄子一品欄子內如

上儀

降至東副階祝訖升謝

送宣賜生日

儀制受宣命官如係見任京府節鎮州軍或別司長貳官即使者預于前一程為宿頓當日遣人報受宣官以

次質明率屬官吏從備旗幟音樂綵輿香輿

貳官并別司長貳並

移文置司所在京府州鎮取索排辦音樂綵輿香輿

詣五里以來迎接望見使者

即于道側下馬使者約百步間亦下馬取宣置綵輿中

受宣官詣香輿前上香訖退遣人覆知使者為未受宣命未敢叅見使者上馬皆行使者在宣命綵輿後受宣

官次行屬官皆上馬後從鳴鉦鼓作樂前導至所居

如

居官即使者入館遣人往報受宣官受宣官令人傳語取覆給宣之日先于本宅隨方排辦仍報所在京府州郡差借知禮數人并合用案褥等物具京府州郡須得應副隨本官往所館導引至所居處自來無音樂旗幟者更不排辦皆從正門入使者下馬執事者先設宣命案并

望闕褥位于庭中

侍宣褥位在宣案之側

香輿置于宣案之前使

者取宣於綵輿奉置案上

案上仍設衣褥

綵輿退使者就傳宣

褥位立受宣官就望闕褥位立贊再拜上香又再拜訖
使者稱有勅賜卿宣命受宣官又再拜跪使者取宣于
案以授受宣官受宣官受訖又一拜起稍退恭閱宣命
訖就褥位再五拜舞蹈畢受宣官近使者前望闕跪問
聖躬萬福使者躬答曰聖躬萬福受宣官起贊者引使
者陞廳正坐受宣官展狀叅見問候使者坐受以次佐
貳屬官展狀叅見亦如上儀禮畢即設菓棹受宣官躬
揖搢笏酌酒一卮跪勸使者樂作使者坐飲訖復酌一

庖坐勸受宣官跪飲樂闋再揖訖以次佐貳跪勸酒至
三行受宣官執筯命執事人持幣物

其幣物之數依
大定重修制款播

筯奉獻使者以付從人訖徹菓棹入食案受宣官邀請
以次官陪坐供食食畢徹食案再以菓棹前使者命受
宣官坐即坐就食執事者斟酒無筭使者請罷酒至再
乃徹菓棹牽使者馬在階上馬受宣官與餘官音樂皆
送至館

如至夜添
設燭籠

留連館待不過三日使者欲行受宣

官率僚屬公吏音樂旗幟送至客亭無客亭者設幕次

不過三里使者下馬正坐受宣官率僚屬以下前揖使者畢搢笏酌酒一卮奉勸使者坐受訖酬酢如初見之儀禮畢受宣官展辭狀率以下官俱揖別使者亦坐受候使者上馬乃退其在闕下受賜宣命生日禮物者已受命先報知受賜官以甚時至宅其受賜官得報即穿執恭待于門外候使者至其叅見勸酬之禮並如上儀惟不用旗幟音樂等引導禮畢止攀送於門外舊例有謝表者只於門首攀送處跪授使者若賜飲食藥餌花

菓之類其受賜官跪受望闕再拜

天德二年正月尚書省啓請古者王人傳命於諸侯諸侯跪聞聽王命而跪非跪于使人也周王遣使賜齊桓公胙曰伯舅耄老無下拜桓公曰天威不遠顔咫尺小白敢不下拜登受為天子所賜下拜非拜使者也歷考載籍皆無人臣正坐受拜之禮按開元故事遣使宣勞賜會使者將至刺史出城迎於一里外相去九十步刺史路左下馬使者亦下馬相進使者命刺史上馬乃俱

行馬其至所居若未宣制書則使者南面立于制書案側稱有制刺史以下皆北面再拜宣制畢又再拜皆為拜制書非拜人也及設會就席則使者席在東西向刺史及應升階者升就席屬官在庭中則文東武西以上下班序點之則刺史坐席在西東向可知宋時所在州府有傳宣官到應受命者郊迎大率如開元禮惟所居庭中設制書案香案望闕褥位傳宣褥位受宣官望闕拜傳宣官側立傳詔授既畢相揖升階全用客禮遼時

迎待天使之儀天使正坐受拜受酒略不起避頗似御
筵進酒非人臣所可當況古者大臣進見天子御坐為
起在興為下彼遼制乃令小臣坐受大臣拜非古者別
嫌疑定尊卑比肩事主尊無二上之義兼檢尋古制君
有賜於臣如飲食藥餌菓食之屬止令上臣持往則不
為專使故謂之廩人繼粟庖人繼肉見於孟子惟賜胙
乃有專使者是為祭祀重禮均福之意以此叅酌古今
擬定其儀蒙准行今上項儀制稱有更異

天德二年正月擬稟送宣及賜物事例古者謂之私覲
亦曰私面所與不過衣帶大者或以幣馬唐時中使所
邀索過多史臣書之極為弊事遼時不常所與富者倍
多以求媚悅清廉守道者不能備辦多取怨怒其小官
不量力殫貲傾產終不能給會計所授歲俸不及所用
十之一二宋時押賜以十分之一與所押賜官其押賜
者冬衣襖之類只委本路奏事廉訪使者賁賜不受事
例又古者諸侯方有遣王人錫命之禮書於春秋最為

重事今若循舊例小官皆特遣使送宣恐使命太輕非所以重國體今擬定到内外官合專使賫送宣命品從并賜物使命事例如後外據其餘品從更不專送只因走馬人附至都管衙門就便鑒付專使送内外任官宣命事例

並謂職事官內謂自外除入者

任正一品一千貫

宗室封一字王者皆同

從一品八百貫正二品七百貫從二品六百貫正三品五百貫從三品四百貫正四品二百貫從四品并上中下刺史知軍一百貫宣賜生日并賜物等專使不得受

所賜十分之二以上專使擬自護衛小底以上取旨差
以上送宣命敕書賜物等專使所定合與禮物若例外

受者並科違制

雖自願與者亦准上科罪

大定二年四月七日奏改定送宣禮物正一品一千貫

宗室封一字王者亦同從一品九百貫正二品八百貫從二品七

百貫正三品六百貫從三品五百貫正四品四百貫從

四品并諸刺史知軍三百貫正五品二百貫二十六年

閏月二十一日以言事者乞罷送宣禮物奏減定從五

品一百貫正五品及諸千戶二百貫刺史并從四品正
四品三百貫從三品四百貫正三品五百貫從二品正
二品六百貫從一品正一品七百貫賜皇太子親王公

主生日儀

具各門

大金集禮卷二十五

欽定四庫全書

大金集禮卷二十六

原闕

欽定四庫全書



大金集禮

大金集禮卷二十六

欽定四庫全書

大金集禮卷二十七

儀仗上

行仗

立仗

闕

行仗

天眷三年九月幸燕儀衛用法駕

總數稍異具行幸門

攝官

六百九十

九將軍大將軍四十三人折衝果毅一百二十六校尉

五十六郎將三十四帥兵官二百四十六統軍六都頭

六千牛一旅帥二部轄指揮使二押燾二押衙四四
色官四押旗二引駕官四進馬四押仗通直二押仗
大將二碧欄一十六長史二鼓吹令二鼓吹丞二典
事五太史令一太史正一司丞一府牧一刻漏生四
縣令一御史大夫一僚佐一十進輅職掌二夾輅將
軍二陪輅將軍二教馬官二四省局官八導駕官四
十八抱駕頭官一執扇簋一尚輦奉御二殿中少監
二供奉職官二令史四書令史四押使二殿中侍御

史二十四人一萬四千五十六人諸班直隊二千九

百四十五人鈞容直三百六人

人員六長
行三百

執旗一百

三十六人引駕六十二人

人員二長
行六十

駕頭天武官一

十二人執從物茶酒班一十一人御龍直仗劍六人

天武把行門八人殿前班擊鞭一十人御龍直四十

人

人員二長
行三十八

骨朶直一百三十四人部押二人殿前

班行門三十五人捧日馬隊七百人奉宸步隊七百

人天武骨朶大劍三百一十人

人員一十
長行三百

東第四班三

十一人人員一長
行三十

扇簾天武二十人捧日隊從領人員

一十七人簇輦茶酒班三十一人

人員一長
行三十

鈞容直三

十一人

人員一長
行三十

招箭班三十三人

人員三長
行三十

天武約

欄三百一十人

人員一十
長行三百

車輅下駕士六百三十八人

玉輅下一百四十人

控踏路馬四
百二十八
挾輅八

金輅下六十

四人

控踏路馬四
駕士六十

象輅下駕士四十人革輅下駕士四

十人木輅下駕士四十人耕根車四十人輅車一十八

人革車二共五十人指南車三十人記里車三十人鸞

旗車一十八人皮軒車一十八人黃鉞車一十五人豹

尾車一十五人屬車八共八十人輦輿下六百八十五

人小輿一搵士長行二十四人逍遙一共三十五人將十

節級九長平輦下四十二人十將節級九人員腰輿共

一十九人人員一十將虞候大輦下三百七十一人掌輦

人員四十將一十二長芳亭輦一搵士長行六十人御

馬三十二匹下共一百三十四人控馬天武官六十四人挾馬騎御馬直長

行六十四人騎御馬直押馬六人象二十三人擎執舁

士共八千七百七十一人擎執人共八千四百三十三人舁士三百三十八人鼓吹局樂工九百九十四人

數不

足隨京府差

馬六十餘匹御馬二十二匹御鞍轡全添差從

馬四匹玉輅青馬八匹內二匹踏道金輅赤馬八匹內

二匹踏道象輅白馬六匹革輅圖上該駟馬六匹木輅

黑馬六匹耕根車青馬六匹依驗隨輅顏色各差從馬

二匹輶車二匹革馬八匹指南車馬四匹記里車四匹

鸞旗車四匹皮軒車四匹黃鉞車二匹豹尾車二匹並

赤馬依驗從隨車各添從馬一匹誕馬一十匹添從馬
二匹攝官馬七百八匹儀仗內擎執馬三千九百七十
六匹甲馬一千二百六十九匹

天德五年遷都燕京儀衛用黃麾仗增為一萬三百四
十八人馬三千九百六十九匹

元檢討具
行幸門

共合用人馬

等分為八節人一萬三百四十八人導駕官四十二員
攝官五百六十七人儀仗司一十一人駕頭擊鞭內侍
一十一人鼓吹樂工一千四百一十人輔龍直樂三十

一人擎執人八千二百七十六人一千六百五十八人

帶甲執擎

八百二十九人坐馬八百二十九人步行
係玉輅左右并輔龍直等合用人數

六千

六百一十八人執擎馬三千九百六十九匹御馬一十

六匹玉輅青馬八匹金輅赤馬八匹輅車赤馬四匹革

車赤馬八匹指南車赤馬四匹記里車赤馬四匹鸞旗

車赤馬四匹黃鉞車赤馬二匹豹尾車赤馬二匹導駕

官四十二匹攝官五百六十六匹擎執樂工等馬三千

三百一匹

帶甲執擎馬八百二十九匹樂工一千
四百零一十匹擎執一千六十二匹

第一

節人七百八十人

內攝官二十六人

馬三百九十九匹

內攝仗司一匹

中

道五百四十二人象下二十二
人並服花脚幞頭青錦絡

縫緋袂衫金鍍銀雙鹿束帶

卽級二人銅鐸一七寶鉤二銀鉤一礪石鉤一鐵鉤一小

旗兒十五

第一引七十二人清導一武弁冠緋雲鶴袍袴革帶

黑漆杖子幘弩一赤平巾幘緋辟邪袍革帶赤袴馬誕馬

二控四人平巾幘緋寶花袍革帶纓轡涼扈二副輶車一

駕士一十八人赤馬二纓轡涼扈馬面包尾武弁緋雉大

袖袴勒帛縣令一員朝服坐車紫方傘一黃抹額寶花衫

革帶大口輶袴朱團扇一曲蓋一並緋抹額寶花衫革帶
袴僚佐四員並朝服馬控馬八人錦帽絡縫紫寬衫大珮
銀帶青衣二青平巾素衫袴革帶青竹竿子車輻捧二赤
平巾緋白澤袍革帶赤袴告止幡二首六人緋額寶花衫
革帶袴傳教幡一首三人信幡一首三人並黃抹額寶
花衫革帶大口袴小戟一十六人黃抹額寶花衫革帶
袴子第二引二百六十四人清道二武弁緋雲鶴袍革
帶袴黑杖子幟弩一赤平巾緋辟邪袍革帶赤袴馬誕

馬四匹控八人平巾緋寶相花衫革帶袴纓轡涼扈四副
柶鼓一金鉦一平巾緋鸞衫抹帶袴膝蛇馬大鼓六人黃
雷花袍袴抹額抹帶馬節幢一麾一夾稍二人角四儀刀
一十並平巾緋寶花袍革帶大口袴革車一駕士二十五
人武弁獬豸大袖勒帛袴赤馬四匹纓轡涼扈馬面包尾
府牧一員朝服坐革車僚佐四員並朝服馬控馬八人
錦帽絡縫紫寬衫大珮銀腰帶鏡鼓一簫二笳二笛一
篳篥一並平巾幘緋寶花袍銀褐抹帶褐馬大橫吹一

緋巨紋袍袴抹額抹帶馬青衣四青平巾青素衫袴革
帶青竹竿子袋全幅捧四赤平巾緋白澤袍赤袴革帶
紫方傘一黃抹額寶花衫革帶大口袴朱團扇四曲盖
一並緋抹額衫革帶袴告止幡二首六人緋抹額寶花
衫革帶袴信幡傳教幡共四首一十二人黃抹額衫革
帶袴小戟四十人黃抹額寶花衫革帶大口袴銀褐刀
盾三十六人銀褐寶花衫革帶袴弓矢三十六人錦帽
青寶花袍革帶袴綃三十六人錦帽紫寶花袍革帶袴

朱雀旗隊三十四人騎折衝都尉三人平巾幘紫辟邪袍革帶大口袴錦膝蛇橫刀弓矢馬爆稍二人平巾幘緋寶花衫革帶袴馬朱雀旗一口五人緋額寶花衫革帶大口袴橫刀引夾人加弓矢馬弩六人弓矢六人稍一十二人並平巾幘緋寶花衫橫刀革帶袴龍旗隊七十一人並馬大將軍一員朝服馬引旗四人黃額寶花衫革帶大口袴執弓矢旗一十二口計六十人五色衫抹額革帶袴橫刀引夾人加弓矢風伯一雨師一雷公

一電母一北斗一金木水火土五左右攝提旗二副竿
二錦帽黃寶花衫革帶袴護旗四人黃抹額寶花衫革
帶袴弓矢太僕寺車三具每具車各赤馬四匹駕士共
七十八人並武弁冠緋絕綉大袖銀褐帶袴隨車前各
有一名執黑杖子

指南車三十人孔雀大袖記里車三十人獬豸大袖鸞旗車一十八人瑞

鳥大袖外仗二百三十八人白澤旗二口每口五人並綠

具裝冠人馬甲錦臂勾橫刀內引夾人加弓矢馬金吾
牙門旗第一門共一十八人並馬監門校尉六人長脚

幘頭緋抹額緋師子衲襠革帶橫刀弓矢烏皮靴馬牙
門旗四口每口三人計一十二人服青寶相花抹額衫
革帶大口袴橫刀內引夾人加弓矢馬前部馬隊第一
第二第三共二百一十人並馬隊第一七十人折衝果
毅都尉二人錦帽緋辟邪袍革帶袴弓矢馬角宿斗宿
亢宿牛宿旗四口每口五人並五色寶相花衫抹額革
帶橫刀引夾人加弓矢弩六弓矢一十四並錦帽青寶
相花袍革帶袴馬稍二十八人並錦帽緋寶相花袍革

帶袴第二隊七十人折衝果毅都尉二人錦帽緋寶白
澤袍袴革帶橫刀弓矢馬氏宿女宿房宿虛宿旗四口
每口五人並五色寶相花衫抹額革帶橫刀引夾人加
弓矢弩六弓矢十四並錦帽青寶相花袍革帶袴馬稍
二十八並錦帽緋寶相花袍革帶袴第三隊七十人折
衝果毅都尉二人錦帽緋白澤袍袴革帶橫刀弓矢馬
心宿危宿尾宿室宿旗四口每口五人並五色寶相花
衫抹額革帶橫刀引夾人加弓矢弩六弓矢十四並錦

帽青寶相花袍革帶袴馬稍二十八並錦帽緋寶相花

袍革帶袴馬第二節人一百一十七人

內攝官七十七人

馬一千

二十八匹

內儀仗司一匹

中道五百六十九人並馬金吾引駕騎

二十人並馬折衝都尉二人平巾幘緋辟邪袍革帶袴橫

刀弓矢馬弩六弓矢六稍六並平巾幘緋寶相花襖襠

革帶袴馬前部鼓吹五百四十七人自鼓吹令至大橫吹

並馬鼓吹令二人長脚幘頭綠公服皂角帶絲鞭烏皮

靴府史四人長脚幘頭綠寬衫皂角帶黃絹半臂烏皮

靴部轄指揮使一名平巾幘紫寶相花袍革帶錦膝蛇
主帥四十八人分五項平巾幘緋鸞衫革帶袴執儀刀柶
鼓金鈺二十四人並平巾幘緋鸞衫銀褐抹帶錦膝蛇
大鼓長鳴二百四十步並黃雲花袍袴抹額抹帶鏡鼓
一十二人並緋茝紋袍袴抹額抹帶歌色二十四拱辰
二十四簫二十四笳二十四並平巾幘緋鸞衫銀褐抹
帶大口袴大橫吹一百二十人緋茝紋袍袴抹褐抹帶
外仗五百四十人前部馬隊第四至第十隊並馬第四

隊六十人折衝都尉二人錦帽緋飛麟袍革帶袴橫刀
弓矢真宿旗一壁宿旗一計一十人五色衫抹額革帶
橫刀引夾人加弓矢弩六弓矢一十四並錦帽青寶相
花袍革帶袴稍二十八並錦帽緋寶相花袍革帶袴子
第五隊六十人折衝都尉二人錦帽緋飛綉麟袍革帶
大口袴橫刀弓矢奎宿旗一井宿旗一計一十人五色
衫抹額革帶橫刀引夾加弓矢弩六弓矢一十四並錦
帽青寶相花袍袴革帶稍二十八並錦帽緋寶相花袍

革帶袴第六隊六十人折衝都尉二人錦帽緋瑞鷹袍
袴革帶橫刀弓矢婁宿旗一鬼宿旗一計一十人五色
寶相花衫抹額革帶橫刀引夾加弓矢弩六弓矢一十
四並錦帽青寶相花袍袴革帶稍二十八並錦帽緋寶
相花袍袴革帶第七隊六十人折衝都尉二人錦帽緋
瑞鷹袍袴革帶橫刀弓矢胃宿旗一柳宿旗一計一十
人五色寶相花衫抹額革帶橫刀引夾加弓矢弩六弓
矢一十四並錦帽青寶相花袍袴革帶稍二十八並錦

帽緋寶相花袍袴革帶第八隊六十人折衝都尉二人
錦帽緋瑞鷹袍袴革帶橫刀弓矢昂宿旗一星宿旗一
計一十人五色彩抹額革帶橫刀引夾加弓矢弩六弓
矢一十四並錦帽青寶相花袍袴革帶稍二十八並錦
帽緋寶相花袍袴革帶第九隊六十人折衝都尉二人
錦帽緋赤豹袍袴革帶橫刀弓矢畢宿旗一張宿旗一
計一十人五色彩抹額革帶橫刀弩六弓矢一十四計
二十人錦帽青寶相花袍袴革帶馬稍二十八人並錦

帽緋寶相花袍袴革帶馬第十隊七十人折衝都尉二
人錦帽緋瑞鷹袍袴革帶橫刀弓矢並馬紫宿旗一口
翼宿旗一口參宿一口軫宿一口計二十人五色衫抹
額革帶橫刀弓矢弩六弓矢一十四並錦帽青寶相花
袍袴革帶馬稍二十八並錦帽緋寶相花袍大口袴步
甲隊第一第二隊共一百一十人領軍衛將軍二人平
巾幘紫白澤袍袴革帶錦膝蛇橫刀弓矢馬掣稍四人
平巾幘緋寶相花衫革帶大口袴馬折衝都尉四人平

巾幘紫白澤袍大口袴革帶錦膝蛇橫刀弓矢馬鶡鷄

旗二鷄旗二計二十人五色衫抹額革帶橫刀引夾弓

矢馬皮朱牟甲身被膊錦臂勾行勝鞋韞勒甲皮條全

朱牟甲弓矢四十
朱牟甲刀盾四十

第三節人九百九十七人

內攝官五十二人

馬六百一十六匹

內儀仗司一匹

中道五百一名前部鼓吹節

鼓為頭共四百九十六人並馬節鼓二人笛二十四人

簫二十四人篳篥二十四人笳色二十四人桃皮篳篥

二十四人共一百三十二人黑平巾幘緋對鸞衫銀褐

勒帛大口袴馬主帥二十六人分四項並黑平巾幘緋對鸞衫革帶大口袴執儀刀馬搥鼓一十二金鉦十二共二十四人黑平巾幘緋綉對鸞衫銀褐勒帛大口袴錦膝蛇馬小鼓一百二十人中鳴一百二十人

五色角衣全

共二百四十人黃雲花袍袴抹額抹帶馬羽葆鼓一十人青莖紋袍袴抹額抹帶馬

下有闕文

歌色二十四人拱辰管二十四人簫色二十四人共七

十二人黑平巾幘緋綉對鸞衫銀褐勒帛大口袴馬侍
御史二員朝服馬黃麾幡一首三人並武弁冠緋寶相
花衫銀褐勒帛大口袴執馬紵人步外仗一百二十五
人步甲隊第三至第十隊共四百一十六人第三隊五
十二人折衝果毅都尉二人平巾幘紫瑞鷹袍袴膝蛇
革帶橫刀弓矢馬玉馬旗二口計一十人五色衫抹額
革帶橫刀引夾加弓矢馬青巾牟甲弓矢四十人頭牟
甲身披膊錦臂勾行滕鞋襪勒甲皮全第四隊五十二

人折衝果毅都尉二人平巾幘紫瑞鷹袍袴膝蛇革帶
橫刀弓矢馬三角獸旗二口計一十人五色衫抹額革
帶橫刀引夾加弓矢馬青牟甲刀盾四十人頭牟甲身
披膊錦臂勾行膝鞋襪勒甲皮條全第五隊五十二人
折衝果毅都尉二人黑平巾幘紫白澤袍袴革帶膝蛇
橫刀弓矢馬黃鹿旗二口計一十人五色衫抹額革帶
橫刀引夾加弓矢馬黑牟甲弓矢四十人頭牟甲身披
膊臂勾行膝鞋襪勒甲皮條全第六隊五十二人折衝

果毅都尉二人黑平巾幘紫白澤袍袴錦膝蛇革帶橫
刀弓矢馬飛麟旗二口計一十人五色寶相花衫抹額
革帶橫刀引夾人加弓矢馬黑牟甲刀盾四十人頭牟
甲身披膊臂勾行膝鞋襪勒甲皮條全第七隊五十二
人折衝果毅都尉二人平巾幘紫赤豹袍大口袴錦膝
蛇革帶橫刀弓矢馬駸騏旗二口計一十人五色寶相
花衫抹額革帶橫刀引夾人加弓矢馬銀褐牟甲弓矢
四十人頭牟甲身披膊臂勾行膝鞋襪勒甲皮條全第

八隊五十二人折衝果毅都尉二人平巾幘紫赤豹袍
大口袴錦膝蛇革帶橫刀弓矢馬鸞旗二口計一十人
五色寶相花衫抹額革帶橫刀引甲人加弓矢馬銀褐
牟甲刀盾四十人頭牟甲身披膊錦臂勾行膝鞋襪勒
甲皮條全第九隊五十二人折衝果毅都尉二人平巾
幘紫瑞鷹袍大口袴錦膝蛇革帶橫刀弓矢馬麟旗二
口計一十人五色寶相花衫抹額革帶橫刀引夾人加
弓矢馬黃牟甲弓矢四十人頭牟甲身披膊錦臂勾行

膝鞋襪勒甲皮條全第十隊五十二人折衝果毅都尉
二人黑牟巾幘紫瑞鷹袍大口袴錦膝蛇革帶橫刀弓
矢馬馴象旗二口計一十人五色寶相花衫抹額革帶
橫刀引夾人加弓矢馬黃牟甲刀盾四十人頭牟甲身
披膊錦臂勾行膝鞋襪勒甲皮條全金吾牙門第二門
牙旗四口一十二人青抹額寶相花衫大口袴革帶橫
刀引夾人加弓矢馬監門校尉六人長脚幘頭緋抹額
獅子衲襠革帶烏皮靴橫刀弓矢馬黃麾前部第一部

六十二人左右屯衛大將軍二人平巾幘紫飛麟袍大口袴錦膝蛇革帶橫刀弓天馬絳引幡二十首計六十人武弁冠緋綉寶相花衫銀褐勒帛大口袴第四節一千三百二十七人

內攝官九十三人

馬一百一十一匹

內儀仗司一匹

中道五百一十五人六軍儀仗二百五十二人統軍六人花脚幘頭紫綉抹額孔雀袍革帶橫刀鞬韉器仗珂馬弓矢靴弩馬都頭六人長脚幘頭紫寶相花大袖革帶橫刀馬神武軍旗二羽林軍旗二龍武軍旗共三十

人五色寶相花衫錦帽革帶橫刀臂勾引夾加弓矢

人執

錦帽引夾人貼金帽

緋欄旗四十八口吏兵力士旗各四口赤豹

黃熊旗各四口龍君虎君旗各四口掩尾天馬旗六口

共七十八人錦帽五色寶相花衫革帶錦臂勾白捍槍
九十人交脚幞頭五色寶相花衫抹額革帶汗膀柯舒
二十四人蹬仗一十八人並貼金帽五色寶相花衫革
帶引駕龍墀旗隊五十人排仗通直二人排仗大將二
人並長脚幞頭紫公服紅鞵帶絲鞭烏皮靴馬天王旗

四人十二時辰旗一十二人並錦帽五色寶相花衫革

帶臂勾天下太平旗一口

闕

五方龍旗五口計三

十人五色寶相花衫革帶錦帽橫刀錦臂勾引夾加弓

矢

執人錦帽引夾人貼金帽

龍墀隊一十五人君王萬歲旗一口日

月旗共二口計一十五人五色寶相花衫錦帽革帶大

口袴錦臂勾橫刀引夾人加弓矢

執人錦帽引夾人貼金帽

御馬下

六十六人御馬一十六匹每匹四人計六十四人三十

二人控馬貼金帽紫寶相花衫革帶十二人夾馬皂帽

青錦襖金銅束帶部押廣武節級一名錦帽紫寶相花
衫革帶黑杖子管押騎御馬直人員一名皂帽紅錦襖
金銅束帶馬中道隊三十二人大將軍一員朝服絲鞭
馬日月合璧旗一口莖紋旗二口五星連珠旗一口祥
雲旗二口計三十人五色寶相花衫抹額抹帶錦臂勾
橫刀引夾加弓矢長壽幢一平巾幘緋寶相花衫革帶
大口袴金吾細仗一百人青龍旗一白虎旗一五嶽神
旗五五方神旗五以上計旗一十二口每口四人計四

十八人並四色寶相花衫青黃銀褐皂衫抹額抹帶橫
刀引夾加弓矢押旗二人長脚幘頭紫公服紅鞋角帶
烏皮靴馬五方龍旗各三計一十五口五方鳳旗各三
計一十五口計三十人並五色衫抹額抹帶橫刀江河
淮濟瀆旗共四口計二十人並皂寶相花衫抹額革帶
橫刀引夾弓矢外仗共八百一十二人黃麾前第一部
至第三部二百六十八人並服青殿中侍御史二員朝
服左右屯衛大將軍二人折衝都尉二人平巾幘紫飛

麟袍革帶大口袴錦滕蛇橫刀弓矢馬主帥二十人平
巾幘緋寶相花衫革帶袴儀刀馬龍頭竿一百人揭鼓
六人儀鎗斧二十人小戟二十人弓矢四十人朱刀盾
二十人滕絡刀盾二十人共二百四十二人青寶相花
衫抹額抹帶臂勾行滕鞋襪第二部二百七十二人殿中
侍御史二員朝服馬左右領軍衛大將軍二人折衝都
尉二人並黑平巾幘紫綉白澤袍革帶大口袴錦滕蛇
橫刀弓矢馬主帥二十人平巾幘緋寶相花衫革帶袴

儀刀馬龍頭竿一百人揭鼓六人儀鎗斧二十人小戟
二十人弓天四十人朱勝刀盾二十人稍二十人綠膝
刀盾二十人共二百七十二人緋寶相花衫抹額抹帶
臂勾行膝鞋襪第三部二百七十二人並服黃殿中侍御
又二員朝服馬左右屯衛大將軍二人折衝都尉二人
並平巾幘紫瑞鷹袍革帶大口袴錦膝蛇橫刀弓矢馬
主帥二十人平巾幘緋寶相花衫革帶大口袴執儀刀
馬龍頭竿一百人揭鼓六人儀鎗斧二十人小戟二十

人弓矢四十人朱膝刀盾二十人稍二十人綠膝刀盾

二十人共二百四十六人黃寶相花衫抹額抹帶勾行

勝鞋襪第五節人一十四百二十人

攝官一百一十七人

馬二百

九匹中道六百五人八寶香案共二百三十二人八寶

輿士九十六人平巾幘緋寶相花衫大口袴塗金銀束

帶燭籠三十二平巾幘緋寶相花衫袴大珮銀腰帶碧

欄十六弓脚幘頭碧欄衫金銅束帶烏皮靴後四人執

長刀並馬符寶郎八員長脚幘頭綠公服皂角帶槐簡

步道援寶三十二人人員二武弁紫寶相花衫革帶執
黑漆杖子長行三十人武弁緋寶相花衫革帶執黑漆
杖子香案八計三十二人平巾幘緋寶相花衫大口袴
大珮銀腰帶寶案後金吾仗六人方傘二柄二人大雉
扇四柄共四人並弓脚幘頭碧欄衫大口袴金銅腰帶
烏皮靴金吾仗十二人四色官四人長脚幘頭綠公服
大口袴金銅腰帶烏皮靴馬前二人執槐簡後二人執
金銅儀刀押仗二人長脚幘頭紫公服紅鞵帶烏皮靴

馬金甲二人身披膊兜牟鉞斧錦臂勾勒甲皮條進馬四
人平巾幘紫犀牛衲襠革帶大口袴橫刀弓矢馬金吾
引駕千牛一十五人千牛將軍一千牛一十人郎將二
人並緋綉抹額紫犀牛衲襠革帶大口袴橫刀弓矢珂
馬並騎將軍二人平巾幘無抹額千牛郎將十二人花
脚幘頭長史二人長脚幘頭綠公服金銅腰帶袴馬皮
靴馬腰輿平贊等下一百六十三人引駕官四人長脚
幘頭紫公服紅鞵烏皮靴馬中雉扇十二大傘二小雉

扇四華蓋二香燈一坐八人火燎一个二人共三十人
武弁冠緋寶花大袖衫革帶大口袴腰輿下人員十將
三人武弁冠緋寶花大袖衫革帶大口袴腰輿下人員
十將三人皂帽子紅錦襖塗金銀束帶內人員執杖子
長行一十六人拳脚幞頭紅錦四襖襖塗金銅腰帶排
列官二人長脚幞頭紫公服紅鞋帶烏皮靴馬小輿下
二十四人拳脚幞頭紅錦四襖襖白鞋銀束帶逍遙子下
人員十將十六人皂帽子塗金銀束帶紅錦方勝練鵲

內人員執黑漆杖子長行二十六人拳脚幘頭紅地白
獅子錦四袂襖塗金銀帶平輦下人員十將一十六人
皂帽子紅錦團襖塗金銀腰帶諸班開道旗隊一百七
十七並馬開道旗一口鐵甲頭半紅背子劍緋馬甲皂
纛旗十二口黑漆鐵笠子皂皮人馬甲引駕六十二人
皂帽子紅錦團襖紅背子鐵甲人馬甲帶鐵劍弓箭器
械骨朶輔龍直一百二人皂帽子鐵甲紅背子執骨朶
人馬鐵甲外仗八百一十六人黃麾第四部共二百七

十二人殿中侍御史二員朝服左右武衛大將軍二人
折衝都尉二人並平巾幘紫飛麟袍革帶大口袴錦膝
蛇橫刀弓矢馬主帥二十八人平巾幘緋寶相花衫革
帶袴儀刀馬龍頭竿一百人揭鼓六人儀鎗斧二十人
小戟二十人弓矢四十人朱膝刀盾二十人共二百四
十六人黃寶相花衫抹額勒帶帛行滕鞋襪第五部共
二百七十二人殿中侍御史二員朝服馬左右驍衛大
將軍二員折衝都尉二人並平巾幘紫赤豹袍革帶大

口袴錦膝蛇橫刀弓矢馬主帥二十人平巾幘緋寶相
花衫革帶大口袴儀刀馬龍頭竿一百人揭鼓六人儀
鎗斧二十人小戟二十人弓矢四十人朱膝刀盾二十
人稍二十人綠膝刀盾二十人共二百四十六人銀褐
寶相花衫抹額革帶勾行膝鞋襪第六部共二百七十
二人殿中侍御史二員朝服馬屯衛大將軍二員折衝
都尉二人並平巾幘紫瑞鷹袍袴儀刀主帥二十人平
巾幘緋寶相花衫革帶袴龍頭竿一百人揭鼓六人儀

鎧斧二十人小戟二十人弓矢四十人朱膝刀盾二十人稍二十二人綠膝刀盾二十人共二百四十六人皂寶相花衫抹額抹帶勾行膝鞋襪第六節人二十二百一十六人

攝官十人

馬七百七十八匹玉輅帝后同乘太子

陪坐太僕卿執綏點檢攝金輅皇太后乘公主侍坐依圖本周圍導從用太后本宮弩手傘子六十人并添差訖護衛三十人中道二百六十四人五方色龍旗五馬執門旗四十康旗一簇輦紅龍旗八日月旗二麟

旗一鳳旗二赤白赤黑大黃龍五共六十四口計六十

四人並鐵頭竿甲身紅錦襖紅背子

紅錦襖紅背子二十四人步執紅背

子四十八人馬執

步執紅龍門旗六十人並鐵頭竿甲身紅錦團

襖紅背子帶劍繫鞭內侍一十人皂帽子紅錦襖塗金

銀束帶金輅九十四人赤平巾幘緋綉對鳳大袖緋抹

帶赤袴鞋襪

並控鶴并馬步軍內添差

駕頭下一十五人

除內侍外並係控鶴

抱駕頭內侍一員長脚幘頭紫羅公服塗金銀束帶馬

控馬二人錦帽錦縫寬衫銀大珮腰帶廣武官十二人

錦帽白鞋銀束帶襖子

緋對鳳六領
紫對鳳六領

茶酒班執從物十

一人皂帽碧錦團襖紅錦背子塗金銀束帶

並控鶴充
水罐子二

人香毬二人唾盂一名廝羅一名
御椅三人手巾一名踏床一名

拱聖直四十人紅錦

四襖襖塗金銀束帶

並弩手
傘子充

人員二皂帽子長行三十

八人真珠頭巾導駕官四十二員朝服騎從人八十四

人錦襖紫絡縫寬衫大珮銀腰帶仗劍六人皂帽紅錦

團襖紅錦背子鐵甲弓矢器械

護衛
內差

廣武把行門八人

殿班把行門三十五人並皂帽子紅錦襖紅錦背子真

鐵甲弓矢器械

護衛充

玉輅下一百五十人並係弩手傘

子千牛將軍一員執具裝長刀于輅右

差尚殿局使充

左右點

檢披金甲管勾將軍披間金甲夾輅大將軍二員陪輅

將軍二員並朝服進輅職掌二人長脚幞頭紫寬衫塗

金銀腰帶教馬官二員

尚殿局馬郎直長充

長脚幞頭緋抹額紫

寶相花衫塗金銀腰帶部押二人皂帽鐵甲紅錦襖執

骨朶

護衛內差到六人輪番承應

挾輅八人控攏踏路馬二匹四人

馬面包尾涼屨

駕士一百二十八人

弩手傘子

共一百四十人平巾

欽定四庫全書

大金集禮
卷二十七

幘青絕繡對鳳大袖青袴勒帛鞋襪龍翔馬隊二十隊
分左右每隊人員三人殿侍二十八人計六百二十人
並馬劍係護駕軍差人員六十人皂帽鐵甲身紅錦襖紅背

子弓矢器械劍執骨朶並人馬甲殿侍五百六十人紅

錦背子人馬鐵甲東第五班共六隊每隊旗三人鎗五

人弓矢二十人器械計一百六十八人

旗十八人鎗三十人弓矢一百

二十人器械並裹鐵頭牟金鎗共六隊每隊旗三人槍二

十五人計一百六十八人

旗一十八人金槍一百五十人

並裹鐵笠子

銀槍六隊每隊旗三人槍二十五人計一百六十八人

旗一十八人銀槍一百五十人並裨鐵笠子東第四班共二隊每隊旗

三人弩手二十五人計五十六人旗六人弩五十八人鞬韉並裨鐵

笠頭卒神勇步隊七百人分左右各四重並鐵甲護駕軍差

人員十人皂帽子紅錦團襖弓矢器械骨朶長行六百

六十人鐵頭卒甲身內拱聖骨朶直一百六十四執骨

朶拱聖槍直一百六十四人小旗兒一百六十二人直

槍拱聖弓箭直一百六十六人弓矢器械執骨朶拱聖

弩直一百六十六人挾弩鞬轡廣武骨朶大劔三百一

十人

係南京揀
到射糧軍

人員一十人皂帽紅錦襖背子塗金銀

腰帶骨朶

指揮使五人紅錦襖子紅背
子都頭五人紅襖子紅背子

長行三百人內

一百人簇四金鷗錦帽紫孔雀寬襖子白成銀束帶骨

朶二百人金鍍銀花朱紅笠子緋對鳳寬襖子白成銀

束帶執銀花大劔導駕官四十二員下從人八十四人

四具行
幸上

外仗青龍白虎隊五十二人並馬

彈壓所
軍內差

果毅

都尉二人平巾幘緋瑞鷹袍革帶袴橫刀弓矢馬青龍

白虎旗二口計一十人五色彩抹額抹帶臂勾橫刀引
夾加弓矢弩六人弓矢十四人稍二十人並平巾幘緋
寶相花衫抹帶大口袴橫刀第七節人一十三百一十
七人攝官一百一十人馬四百六十八匹中道四百八十五人

駕後輔龍直樂三十一人皂帽子紅錦襖塗金銀束帶
並馬人員一名執骨朶三十人長行樂器自備

拍板一名
軍菓

十五人笛十四
人以下原闕

立仗

大金集禮卷二十七